

乘異記
異林志
快雪堂漫錄
前定錄補遺
誠齋雜記
怪錄
奇聞類紀摘抄
與物傳



與

物

傳

王文錄
撰

中華書局

叢書集成初編

乘 異 記（及其他七種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 九 一 年 北 京 第 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：ISBN 7—101—00894—1/K·367

與
物
傳

此 據 百 陵 學 山 本
影 印 初 編 各 叢 書
僅 有 此 本

與物傳一卷

出格生曰人受天中以生偏則物云子稽載籍及
觀問物乃踰人倍蓰曷言物生匪中人賢物賤也
特形異耳予每興嘆曰吾人未人哉是物足以惺
人心傳而系以斷題曰與物進之大同云若龍麟
鳳鸞騶虞獬豸白澤角端神靈瑞應非常畜比猶
人中之聖故不編

劉備走樊城隨檀溪水中溺不得出備急謂所乘馬
曰的顱今日厄何不努力卽踊躍三丈得過出格生
曰危急中同患相濟勇且智報主惟仁惟忠孔子曰

驥不稱其力稱其德也

孫堅討董卓被創墮馬臥草中馬還營嗚呼軍人隨馬向草中得堅扶還營出格生曰嗚呼者其積恩感之乎亦戀主也古之將與所乘馬相馴擾乃可出入行陣噫是馬開吳首功邪

宋開禧間九江戍校王成見病驢收秣之毛革復覓有借乘蹄鳴人立驤拒不可制日惟成乘則受嘉定庚午峒寇李元礪犯龍泉成出戰死驢屹立不去悲鳴宛側寇將顧曰良馬取獻之元礪弟第喜日乘之復犯永新驢識我軍旗幟冒陣馳歸勒控不能止以

鐵槊膊傷驗不復顧軍士識之共擒乘驗者訊得元
礪弟謀而進寇大駭遂敗檻送于朝頒賞有差衆耻
功出驗也沒之驗病傷不秣死出格生曰止受主乘
報恩也寇乘奔歸報仇也推功賞王校子主與馬兩
得之今匿不聞且死悲夫不有程史曷知哉

大宛獻千里馬于符堅堅乘與姚萇戰敗墮坑中馬
垂韁跪膝向堅堅得出出格生曰予幼聞先慈淑母
氏云馬有垂韁之義犬有灑草之恩蓋不知出符堅
與楊生今觀之慨然思三十年前語也犬馬食人食
報之今人食人食背之哀哉

晉太和中廬陵楊生畜犬甚愛之行止與俱後生飲酒醉臥草中時野燒起乘風火烈狗周章號喚生醉不覺前有坑水狗走浸水中還以身水灑生左右草沾濕火尋過生醒方覺又聞行墜空井中狗呻吟徹曉人過恠之往視見生曰可出我當厚報曰以狗見與可也生曰此狗曾活我不忍與曰若不與不出也狗因下頭目井生知意乃許出之繫狗去後五日狗夜走歸出格生曰智哉是犬救主其仁乎孰謂仁且智而物無之也

臨海林甲一門疫死甲獨治喪暨甲死無人藏屍家

犬奔號里巷若狂已而群犬翕集銜甲衣曳至西郊跑土成坎埋焉壅土覆之而去出格生曰今人見人之疫雖至親亦避之見人之屍孰埋哉周官除骴掩骼之政不行久矣是大能埋之可以媿至親可以媿時政

龜山村民趙五家犬生子方兩月後隨母行母忽爲虎噬五呼鄰里數壯夫持矛逐之虎捷馳不可及稚犬悲鳴奔銜虎尾左右旋轉回顧不能傷帶之以走稚犬爲棘刺掛胃皮毛殆盡流血灑地終不肯脫口虎由此係累稍遲追及斃刃下出格生曰虎猛獸也

百獸不敢近稚犬甚微也乃能追嚙之見母不見虎也心誠金石可開觀是犬益驗

懷氏子畜犬甚馴子死葬之犬日徘徊墓側及暮而返人稱孝犬云出格生曰今人親死葬後不復顧視墳墓委之荒榛蛇蠍穴之罔恤也是犬乃不忘主親可忘邪

大庾嶺李氏畜二牝猫各產四子交相爲哺一猫犬傷死其一銜死者子寘已窠與子合死者子作悲聲若不安意猫母遍舐環拊繾綣不捨日久乳力不周漸羸瘠猶奔走遮護如初至能自食乃已出格生曰

後母虐前母兒主母虐諸妾兒有媿是猫也

南京一宦家慶壽命厨人宰羊享客厨人置刀盆上方取鹽既至失刀逐羊群尋之惟一羔跪不起視腹下乃刀也其羔卽此羊之子厨人感悟遂棄其業出格生曰世言羔跪乳性至孝也况殺母有不藏刀乎厨人棄業不忍深矣嗜味好殺者獨何心哉故曰君子遠庖厨也

唐明皇所教舞象祿山亂大宴胡酋出舞象紿曰此自南海奔至以吾有天命雖異類必拜舞今之象皆努目不動祿山盡殺之

元順帝有一象每宴必拜舞為儀王師破燕徙象至南京一日上設宴令象舞象伏不起殺之次日作木牌一書危不如象一書素不如象掛危素左右肩唐昭宗有猴能隨班起居賜緋袍號孫供奉後朱全忠篡位取猴令殿下起居猴徑趨上跳躍奮擊遂殺之

陸秀夫抱帝昀溺南海中御舟一白鷗哀鳴良久奮擊躑躅竟與籠俱墜海中出格生曰嗚呼唐宋元降臣象猴白鷗之不若也降臣圖富饒于一時是物昭忠義于千古予表之用媿事君而不致身者

慶州有獸名猱獠行則大者前小者後有爲射中死
拔死者箭自刺而死出格生曰予論斷至此泫然流
涕曰杵臼之友田橫之客一也視死如生必有直見
哉不然傷之切矣天地間止此義氣余蓋不覺髮凜
凜而心涼涼也大前小後行且有叙云人媿多矣
隋侯行見大蛇傷救活之後蛇銜珠以報出格生曰
世皆以蛇爲至毒見必殺之然能知報若是今人往
往以怨報德毒哉人心蛇未爲毒也

晉咸康中豫州刺史毛寶戍邾城有一軍人於武昌
市買一白龜長五寸置甕中養之漸大放于江後邾

城遭石氏敗赴江者莫不沉溺養龜人帶甲投水覺如墮石上視之乃先放白龜既登岸廻顧而去出格生曰放龜時非圖報也龜得放必存報心後竟報之也兵敗且投江龜性靈空先知之不然亦天也人物感稟五行五行原相報是以恩仇皆有報云靈轍負趙盾殆類乎

衢州民有里胥至家貧無備食祇有母雞哺數子擬烹之將縛里胥閔之不殺遂去後再來雞已抱出群雛見里胥向前踴躍有似感謝狀行數百步遇虎跳躑漸近忽一雞飛出撲虎眼里胥急奔得免還至其

家已不見雞問之云朝飛去無覓胥恠之具說見虎事同往尋之雞已斃於草間自後一村少有食雞子者出格生曰好生惡死知恩報恩凡有血氣皆然也里胥活母子數命母舍一命救之宜哉或曰曷知遇虎救之也曰天也

房皞家烹一雞其雌逸屋悲鳴三日不飲啄而死稱為貞雞

德清縣沈朝家母鵝育卵而腸出以死其雛仰天號切銜芻草母前若祭奠長吁數聲死埋之名孝鵝塚崑山縣朱氏家蓄二鵝偶食田禾鄰人誤擊殺雌其

雄哀鳴旋繞遂不食死方鳳以栗易二鵝葬之名義
鵝塚出格生曰雞鵝家畜也烹食之不少惜孝義若
此曷可輕殺也予每戒殺非祭燕不敢烹人皆存此
心是亦愛物之一端云

宋末娼家女姚玉京嫁襄州小吏衛敬瑜溺水死玉
京孀居有雙燕巢梁間一為鷺鳥擊死一孤飛徘徊
至秋止玉京臂上儼如告別然玉京以紅縷繫足曰
新春復來為吾侶也明年果至因贈詩曰昔時無偶
去今年還獨歸故人恩義重不忍更雙飛自爾秋歸
春來凡六七年玉京死明年燕來周章哀鳴家人語

曰玉京墳在南郭燕遂飛至墳所亦死每風清月明
襄人見玉京與燕同遊漢水之濱出格生曰情義之
重孰謂物無之人反多欲弗及也娼女守孀燕爲之
死皆世所罕云

唐貞元十九年河東裴氏有鸚鵡教以持佛名號曰
當由有念以至無念仰首奮翼若承聽然每戒曙發
和雅音唵唵相續聞者莫不洗然
是年七月將盡裴
氏曰爾西歸乎爲爾擊磬爾其存念每一擊磬一稱
阿彌陀佛號洎十擊磬而十唵成歛翼委足焚之燼
末有舍利十餘粒炯爾耀目僧惠觀請于靈山建塔